

湖南府縣志輯

中國地方志集成

嘉慶常德府志

K296.14
10
58

中國地方志集成

湖南府縣志輯 ⑦⑥

嘉慶常德府志

江蘇古籍出版社●上海書店●巴蜀書社

常德府志序

志者史之一體今羣邑之有志
其體昉於此蓋志者記也記一
郡之分野疆域沿革建置以及
田賦兵防之大民風物產之細
條分縷晰溯其原而竟其委俾

序

按冊以稽不出戶庭之間而可
達於四境之遠志之為用大矣
我

朝聲教漸被幅輳最廣一郡所治
若州若縣若衛所大者或千餘
里小者猶數百里守者不能遍

序

履而躬詣也然則欲悉風土
險易施教令舍志之考而誰考
與至於名宦鄉賢文藝列女以
逮於方技之倫旁搜博採登之
簡冊則又無仿諸史世家列傳
之例其地近則考核易以實

二

其事勘則叙述易以詳下
風化之成上以備

國史之採此又文獻之林而守土
者之所當亟於從事矣然此猶
統而言之耳夫為山為澤或僻
或衝分疆畫土斷有不齊而政

序

事由之出焉審察於山川風土之宜廣資於前言往行之美徵驗其是非得失之跡因地所緩急以為政之先後因政之先後以為志之詳略使從政者讀其志若著蔡焉自非通達治體與

三

時消息罕不至如胥吏之案牘徒備抄襲者嘻豈易言哉常德府之有志肇始於康熙九年厥後百數十年無繼之者乾隆中郡守李君大霽增修有稿經前制軍畢秋帆先輩點定而其書

序

未完逮嘉慶丁卯戊辰之間前郡守鮑君薛君先後纂集至今守應君始告成焉余考常德一郡秦漢時為黔中地唐宋以還分置鼎朗諸州今試以全楚之形勢論之自荆襄以西涉大江

四

歷孱陵澧陵以達於常其再西則辰沅諸郡深林密菁苗民所窟穴而滇黔萬里水陸所由道也歷代以來稱為扼隘國朝駐通省水陸提督於此以控制之洞庭浩汗粘天無壁為守

序

五

內藪澤冠輔以青草赤沙之險
沅漸諸水又經緯而襟帶之所
謂澤國也則考其山川險阻修
飭戒備以寧戢中外與夫講求
水利慎其宣洩用宅爾宅畋爾
田俾無旱潦侵之二者為守郡

之最先且急而即志郡者之所
宜博考而詳著也夫有其舉之
莫敢廢也志書之作其有關於
郡之利病者既如彼而由康熙
初年以至於今僅一再修補其
成書之難又如此則因時蒐羅

序

六

以補其遺漏固其所也若惟是
飾為美觀備故事而已豈修志
之意哉余故述之以諗夫後來
者
嘉慶十八年歲次癸酉五月督
湖使者三韓馬慧裕撰



常德府志序

楚自春秋通中國後聲名文物
埒於齊魯而常郡野分文明國
堪用武邑洞庭之險控五溪之
要昔秦惠王欲以武關外易之
後司馬錯拔楚黔中地漢建武

常德府志

卷一 序

一

間遣馬援征武陵蠻援營壺頭
險不克進宋李綱疏請鼎澧之
間宜宿重兵謂號令可通西蜀
聲援可接襄漢是歷秦漢唐宋
以迄於今常雖一郡而全楚之
盛衰實係焉且常之衣冠禮樂

常德府志

卷一 序

二

為湖右最武陵舊事南楚新聞
大抵善道土風者其書多不傳
惟宗懷荆楚歲時記載墳鼠璞
二書至今淹雅之士咸採取焉
然宗戴雖並為郡人而敷求博
攷一則多井里風俗之好尚一
則僅名物典故之異同其所紀
已小而所以詳建革以立經制
辨淑慝以昭勸懲準物產以達
政治崇教術以歸典則者固未
之逮也常德之有志始明永樂
其後網羅散失志凡六脩我

朝慶

詔天下郡邑纂脩志乘而常志自康熙九年脩之距今百三十餘年一時文獻幾于世遠難徵嘉慶丁卯薛愚溪太守慨然復為倡脩惜視事年餘即解任去而志

常德府志

卷一 序

三

書仍弗克就戊辰秋余奉

命來守茲郡脩舉廢墜靡不切心當甫下車時其所為生全覆育以勸其善搜剔剪刈以懲其惡勞心案牘握管如馳曾不得息至於稽事載典彰往昭來則博物

君子責也余方謝不敏今民稍稍便安余乃得取其志稿而釐定之因進郡之熟于掌故者刪其繁冗補其闕略俾一時之述作上以備

聖朝國史之採擇下以供荆楚通志

常德府志

卷一 序

四

之搜求庶幾言之文而行之遠也是書成則不必南望衡陽北窺夢渚西窮巴峽東瞰鄂黃而虞帝之城而如登善卷之臺而如造也黃帝鑄鼎之港若涉之武侯洗墨之池若過之鑊船鐵

塔其事不誣石磬石柱所言不
妄馬將軍之薨故不明可驚也
梁都尉之尸祝不絕可訝也讀
屈子之離騷究易東之象義決
決乎魚米饒足之鄉冠蓋往來
之地迎紫姑者以卜蠶也肖金

剛者以逐疫也人多礪落壯亮
海襟嶽節湛然與湘水同其清
穆然與衡山媿其高矣而皆得
於此編遇之

峇

大清嘉慶癸酉二月初日知湖

南常德府事宜川應先烈譟

原序

古昔列封之國各有紀載成周命賦方氏以主之史乘之設實權輿於此粵自改封建以選今之郡城即古風時之方國也凡山川土田星躔分野人物風俗既塞險易戶口物產世代源流靡不備具周以供采風俗者因利乘便通好惡以整齊之俾民志勿之有惑非徒志封疆飾觀覽已也聞嘗瞻覽與圖洞度為宇內第一巨浸而常德實鎮其西據荆楚上遊為吳蜀咽喉常鎮黔戶牖朝宇之上每重念斯地凡承德萬載不拔之基者未嘗不於此固屬鑄也况英賢輩出人文相望實楚南歸然一雄鎮也則敷陳

常德府志

卷一

原序

一

故實者惟於志是賴常德之志板燬於兵火僅抄數卷應上之檄取其間以訛傳訛糾謬遺落弗可究結又且於明之中葉後悉泯然無傳百年於茲矣丁未夏仲予奉

命來守此邦見其輪輓輪蹄者日夕不休禮祀應款者闕焉弗舉體制無存禮教衰息或者日兵燹之餘即陋成習獨不聞貞淫靡常志趨無定沿氏情以施利導斯其時矣爰稽古裁簡編殘缺用是感然靡寧雖時立意修復一難於賢又難其人屢進紳士而謀之諸縉紳輩僉舉二人其一賀君奇其一劉君昌臣二公皆博雅名宿也款請以襄厥事既而劉君以學使優遷駕稅都門賀子毅然獨弗

常德府志

卷一

原序

二

辭然而卷帙多則參訂難周事類繁則蒐輯難易惟既襲蠹餘之緒論避翻駁之微嫌而載集盡錄舊本噫嘻紀典所重傳信不傳疑由來尚已滄桑逝變運會不無遷流昔存而今廢胡可執也忠孝節烈觀感由之振興首隆而今修胡可略也風俗有異同固無定局宜俗而不宜戾俗弗能拘也物產隨土宜主殖固地靈准播而濟絡弗能強也况浮文少實昔人忌之賀子遂翻然極力儆校瑩正前修另創體格隨事晰義有同羊有損益有首詳而今略者有首略而今詳者溯流尋源循事考實任其實不任其文至於闕略遺亡擷芳搜逸沿聲察行斷者續之微者顯之昭義例以著其本末揭原委以明其是非不古湮而馨時艷不遐遺而比親昵諸凡人物風俗瞭然著矣庶乎一郡信史也是役也始事於己酉八月歷徧伏臘歲積一周越次年八月而卒業焉惜也游夏無需一賢壁刻獨成一手余雖聞有討論愧以簿書俗冗寡文斯識其過歷則未遑然於五短三長又所弗計也茲者照積有成工付剞劂敷數言以述其始末云

大清康熙九年歲在庚戌仲秋月望前二日常德府知府兩當胡向華書於府署思補齋

重修常德府志啟

括地成圖世紀環之簡採風作志史傳郡國之書一邦之典故所存上路之軒輶斯在顧歷年既久文多約畧之訛閱世後新事或滄桑之異千里之提封廓爾大有舊聞百年之紀載闕如遂成陳迹粵夫常德各區縣中故郡星躔分野三台司令之垣版宇畫疆五版巡衛之地北連江漢引荆門鄂渚之雄西接黔巫控草倫花褒之微推清波於萬頃表裏平湖鎮神鼎於三峯周環沃壤雲烟蔚鬱丹砂善卷之煙花竹繡紛紛夢瞿仙之洞赤沙青草秋健與夜月交輝虎藟龍巖春氣亦朝嵐並秀屈原荅裏香草如

常德府志

卷一

重修啟

一

聞沈約臺前書聲未歇懷人間之潔士應汲策國之泉酌天上之酒星合訪佳婆之升琵琶洞古吟神仙樂以鏗鐸茉莉石存望摩利天而縹緲一泓烏浪尚餘洗墨池中十里紅香多在采菱城畔槐樹之金燈四照山號牌牛柳陰之玉乳千簪洞名歇焉若乃馮君孟進極治行忠烈之奇丁氏易東擅經術儒林之美文汝霖辜端吐鳳寒赤幟於難壇胥必彰日下乘驄飛青霜於柏府風送花磚之影仁甫則譽滿鸞坡光騰藝苑之輝文弱則勅書麟閣清渭河於冊里直益漸慈惠之師策荒政者十條更不愧神明之宰段光啟奮刀殺賊達惟德割股救親他如解囊恤粉社

常德府志

卷一

重修啟

二

之奇翰粟凋翳桑之俄情愴羊裘李迪之純孝堪型義重來舟賈堂之高風可仰而且青閨勵節紫闥完貞綱古井之波瀾皆醇風之鼓盪至於居正之奇謀憤用山賊膽寒伏波之顧盼自雄溪蠻魄落張師繹一壺冰湛陸瀕海兩袖清風歇歷卅年棠陰尚在撫循六載黍雨猶存勒惠愛之碑倪君時多善蹟徵大昕之鼓衰侯丕振文風自古宰官不廢吟咏由來儒吏大抵風流更有徐閑喻政之謳歌不報棄無積牘朝陽之敏斷何多懋桃李之芳園人懷樂令製花貓之雅曲我愛劉郎萬派洪濤此時猶薦昔公之祀十年遺愛當日曾攀方守之轅更有兩檄僑居一觀流

之祀恭膺簡命來守圻封抱扶綱植紀之懷以問俗觀風為重爰稽孔志竟成一綫之延湖厥校讎迺在百年以外胡可已也有其舉之猶憶星渚停車戟門振謁承大憲之明訓厲守吏以重修府志乘一編久無善本合詞江四屬可少完書釐訂魯魚雅有蘭臺碩彥整齊亥豕正須芸閣鴻儒縣通市

之千金補亡書於三篋錄成網帙為徵文考獻之資雅合
史裁書傳後信今之作惟是蜂釀花而為蜜狐集腋以成
裘欲謀剽剽所費不貲等及黍梨殿功匪小伏冀鴻都上
客虎觀名卿傾青跣白綴之藏倡振廢興賴之義將見芸
編汗簡不隨碑碣以俱湮可無咄咄別風或混蟲魚而失
紀從此鼎湖元氣蘭冊如新漢壽雄周典章不墜歷奔世
荒蕪之後無使耆曷能起其緒餘勒太平風俗之書有心
人當不置之度外敢啟

嘉慶十一年歲次丙寅孟冬月穀旦

賜進士出身知湖南常德府事前吏部文選司郎中乙卯科

常德府志

卷一

重修啟

三

山西主考官丙辰科會試同考官江陰薛洪具

序

志乘一書肇於漢而其原則本之周禮所以紀四方之山
川風俗民物土田以周知九州地域廣輪之數誠要典也
常德為古黔中地控引巴蜀襟帶洞庭為往來滇黔舟車
要道自秦漢以迄于今其間沿革損益時代變遷之故日
新月異欲深悉其事之所由著而不至博然於厥心全志
其何由哉竊我余於癸亥涖常即索周籍披之藉以知一
郡故實而自康熙九年以後缺焉無聞深懼舊典廢墜遺
事失傳意欲重加修輯未幾緣事解任弗果丁卯春郡守
薛愚溪先生視事武陵既下車凡諸政典以次舉行旋及

常德府志

卷一

序

一

志書一事請之上憲咸以為然因與四縣合議共相擘畫
得以有成余重念愚溪先生之深求民瘼既足補余所未
逮而今者修志之舉又與余心有暗合者固作而言曰人
情之所以觀望不前齟齬日甚者大抵可與樂成難與謀
始耳今太守不以是為緩圖急急焉修舉廢墜俾一時之
經費有出董事咸得其人其用意不可謂不深而任事不
可謂不勇矣不特此也事不師古則率意而妄行言不稟
經則謗隨而無識今觀是書所載雖祇一郡故實而星羅
分野朗若列眉地理輿圖瞭如指掌閭戶日之繁知生殖
之所由庶罔文物之盛知發雅之所由宗吏治貴振興也

則官蹟必詳其實苗疆期撫馭也斯戎兵當樹其威他如
氣候物產之殊仙釋災祥之異莫不纖細具載以博聽聞
是豈徒誇多闢靡為哉凡以前事之師足為後人考鏡者
正未有艾此其所以登之紀載不憚備細周詳耳余忝總
修之任自維淺植敢為克擅三長陳子卷山孝廉悉心搜
採纂輯有年是編之成實多裨益異日 彤庭梁翰發石
渠天祿之藏闡金簡瑤函之祕是又鼓吹休明潤色鴻業
所不容已者吾能無厚望於陳子與夫校讐之諸子也哉
嘉慶十三年十二月仁和鮑銳謨

重修常德府志姓氏

閱定

兵部尚書兼都察院右都御史兩湖總督馬慧裕
兵部侍郎兼都察院右副都御史湖南巡撫廣厚
翰林院侍讀提督湖南學政湯金釗

同定

湖南布政使朱紹曾
湖南按察使慶斌
分守岳陽常澧道岳慶

總修

常德府志

卷一

姓氏

一

常德府知府府應先烈

常德府同知唐景職

常德府同知王旼

總校

常德府通判文亮

武陵縣知縣許紹宗

武陵縣知縣毛夢蘭

桃源縣知縣李英

龍陽縣知縣張在田

署 沅 江 縣 知 縣 陳宸書

分校

常 德 府 教 授 瞿家塾

常 德 府 訓 導 吳肇祿

武 陵 縣 教 諭 胡昭翥

武 陵 縣 訓 導 陳之謨

桃 源 縣 教 訓 曾大章

桃 源 縣 訓 導 王步雲

龍 陽 縣 教 諭 宋之存

龍 陽 縣 訓 導 黎大魁

沅 江 縣 教 諭 駱孔儀

沅 江 縣 訓 導 戴安禮

署 常 德 府 經 歷 姚紳安

纂 稿 武 陵 縣 舉 人 陳楷禮

採訪 廣東惠潮嘉兵備道前禮科給事中趙煥吟

禮 部 主 事 羅志謙

國 子 監 傳 士 陳世昌

常德府志 卷一 廿九 二

國 子 監 學 正 戴南崑

四 川 北 兵 備 道 黎學錦

原 任 安 徽 太 和 縣 知 縣 周 森

原 署 廣 東 龍 川 縣 知 縣 阮世醇

湖 北 羅 田 縣 知 縣 陳本禮

廣 東 候 補 知 縣 伍鼎臣

武 陵 縣 舉 人 張 琳

武 陵 縣 舉 人 楊丕俊

武 陵 縣 貢 生 蔣維光

武 陵 縣 職 員 戴大盼

武 陵 縣 生 員 周邁倫

桃 源 縣 舉 人 文運陞

桃 源 縣 學 生 劉文錄

桃 源 縣 學 生 羅 璋

桃 源 縣 學 生 余世清

桃 源 縣 職 員 張朝恩

龍 陽 縣 拔 貢 生 張昌宇

龍 陽 縣 學 生 員 廖 溶

龍 陽 縣 學 生 員 周大聘

沅 江 縣 舉 人 王躍鯉

常德府志 卷一 廿九 三

常德府志									
卷一									
廿九									
四									
沅江縣貢生吳俊卿	沅江縣學廩生陳琦	校刊	武陵縣舉人吳登選	武陵縣拔貢生劉文炳	常德縣學廩生楊丕為	武陵縣學廩生陳槃禮	武陵縣學廩生王春相	武陵縣監生戴逢聘	武陵縣學生員戴大溶
常德府志									
卷一									
廿九									
四									
常德府學廩生員陳耀南	武陵縣學廩生員唐尚扶	武陵縣學廩生員唐開韶	武陵縣學廩生員張正綱	武陵縣職員向廷燦	善寫	武陵縣學生員韋行中	武陵縣學生員陳啟碑	經營	武陵縣禮吏劉宗漢

首冊
詔諭一卷

常德府志

卷一

目錄首冊

五

常德府志圖形

府境全圖 武陵縣圖 桃源縣圖 龍陽縣圖 沅江

縣圖

桃花源圖 洞庭湖圖 陽山圖 金霞山圖 平山圖
朗清圖 穿石圖 楚山圖 金牛山圖 滄水圖 橘
洲圖 藥山圖 芷水圖

府境全圖



每方五十里

武陵縣圖



每方三十里



